

Faavaeina se Faiga Faavae Malosi tele mo Aoaoga faatasi ma tagatanuu o Niu Sila

Fatalanoaga i le ata faataitai mo le National Education and Learning Priorities ma le Tertiary Education Strategy

E anoanoai mea o loo i ai i le faiga faavae mo aoaoga o loo fai ma o tatou mitamitaga. I le tulaga lautele, e sili atu ona lelei taumafaiga a tatou alo ma fanau pe a faatusa i le faatulagana faavaomalo o taumafaiga ua faamanuiaina ai i aoaoga, ma o loo i ai a tatou tamaiti aoga ma fiaoga e tutusa le lelei o lo latou agavaa ma isi i le lalolagi. E tulaga ese foi a tatou aoga i le lalolagi ona o loo taimua i le faaaogaina o tu ma aga o tagata moni a le atunu, ma e tele le sao a auaunaga nei i le toe faaolaolaina o le te reo Māori ma tikanga Māori.

Ua folasia manatu mai le mamalu o le atunu e auala mai i le Education Conversation | Kōrero Mātauranga, o fonotaga a pulega maualuluga, ma faafesagaiga sa fitoitonu i nisi o vaega, ma ua manino ai le taua tele o le soifua manuia, faiga sa'o ma le talafeagai, atoa ai ma le tauaofia o tamaiti aoga ma a latou aiga, peitai e le o faatinoina tulaga nei e le faiga faavae mo aoaoga o loo i ai i le taimi nei.



Polokalame mo Galuega Faatino mo Aooga ma le Education Conversation | Kōrero Mātauranga

Ua sauni le Malo e tapena se polokalame uigaese ma le atoatoa mo suiga o fuafua i faiga faavae mo aoaoaga, ina ia gafatia ona faatino faiga e lagolagoina ai le soifua lelei o tagatanuu o Niu Sila. O le taimi muamua lenei, ua faavae ai se faiga autasi e faatonu ai le alafaua e tatau ona i ai mo faiga faavae mo aoaoga, amata mai i auaunaga mo aoga amata, e oo atu i aoaoga o loo faamalosia, seja taunu i aoga maualuluga ma aoaoga e faamasani ai i agavaa ma tomai o moomia.

Na amata feutagaiga i le amataga o le 2018, a tamaiti aoga, matua, pule o galuega, iwi, afioaga, faiaoga ma le Malo, i tulaga o loo moomia mai aoaoga i le taimi nei ma le lumanai, ma faiga e mafai ai ona faataunu nei fuafuaga.

Ua amata ona faatino suiga i faiga faavae mo aoaoga e auala mai i taiala nei:

- » Ka Hikitia – the Māori Education strategy
- » The Education Workforce Strategy
- » The International Education Strategy
- » He taonga te tamaiti | Every child a taonga – Strategic plan for early learning
- » The Pacific Education Action Plan
- » The Tomorrow's Schools Review
- » Toefuataiina o Aoga Faapitoa i Matata Eseese

Vaaiga Taulai mo Aoaoga:

Ua finagalo le Malo e atiae se faiga e faatumauina mo le 30 tausaga mo aoaoga i totonu o Niu Sila. Ua faavae e le Guardians of the Education Conversation lea vaaiga taulai, e tusa ai ma molimau faamaonia sa maua mai i le Kōrero Mātauranga, ma e atagia mai ai faiga o loo manatu tagatanuu o Niu Sila e tatau ona aofia i faiga faavae mo aoaoga:

Whakamaua te pae tata kia tina – Taofi mau i lou malosi seja taunu lou faamoemoemoe....

O i tatou o suli o e sa tauasa mai vasa, sa tinou e saili mea fou, ma atiae faiga fou ma faaaoga lo latou malamalama e fai ma faasino ala i itulagi i fafo atu ma ona laufanua. O le a mafai ona aoaoina faiga e onomea ma talafeagai ma manaoga, e sa'o ma talafeagai toe fesootai mo le ausia o le isi laasaga o taumafaiga mo a tatou tagata ma faamoemoega o loo moemiti ai i le lumanai.

Whaia te pae tawhiti kia tata – Saili ma uumau i fetu o le lag!

O loo faavae le vaaiga taulai i faamoemoega a le mamalu o le atunuu mo aoaoga - e uunaia ai le aoaoina o tagatanuu uma o Niu Sila ma faamanuiaina ai, ma fesoasoani i aiga ma afioaga ia manuia, ma atiae se tamaoaiga e aoga toe faatumauina, ma se atunuu e maua ai avanoa toe iloa alofa.

O le a le Statement of National Education and Learning Priorities ma le Tertiary Education Strategy?

O le Statement of National Education and Learning Priorities (NELP) ma le Tertiary Education Strategy (TES) o se vaega o tulaga o loo faamuamua mo faataitaiga i nofoaga tau aoaoga, amata mai i aoga amata e oo atu i aoga maualuluga ma aoaoga e faamasani ai i agavaa ma tomai o mommia. O loo faatonuina le faaaogaina o le NELP ma le TES i lalo o le tulafono Education Act 1989, ma o loo manino lelei ai faanaunautaiga a le Malo mo nofoaga tau aoaoga e faaleleia ai soifua manuia, faiga sa'o ma le talafeagai ma faiga e tauaofia uma ai tagata i totonu o aoaoga.

E tatau ia i latou o loo tauaveina tofiga tau pulega i totonu o aoga amata ma aoga o loo faamalosia ona faataua tulaga o loo faamuamua i le NELP. E tatau i le Tertiary Education Commission ona faataunu le TES ma e tatau foi i le New Zealand Qualifications Authority ona faataua lea itu. E tatau i Tertiary Education Organisations ona faailoa faiga e mafai ai ona latou ausia tulaga o loo faamuamua o loo folasia i totonu o le TES ia latou fuafuaga mo galuega tau atiae.

O loo atagaia i le ata faataitai mo le NELP ma le TES manatu ma finagalo sa faaalia i le Education Conversation | Kōrero Mātauranga, ma faafesagaiga fitoitonu ma tamaiti ma tupulaga atoa ai ma paaga i aoga maualuluga.

E le gata i faafesagaiga nei, ua fautuaina le ata faataitai mo le NELP ma le TES i molimau faamaonia i le faatinoga o faiga faavae mo aoaoga o loo i ai nei, ma tulaga e mafai e auauлага ma faiaoga ona faatino e maua ai suiga pito sili ona lelei mo tamaiti aoga ma a latou aiga.

Sini autu mo aoaoga

Na tuufaatasia e le Malo i le amataga o le 2018 sini autu mo le polokalame mo galuega faatino mo aoaoga - ua maea ona toe teuteu sini autu e atagia ai itu taua na faaleo e le mamalu o le atunu.

E faamoemoe le auivi mo le NELP ma le TES i sini autu mo aoaoga, ma le faataatiaga o vaega e tatau i le Malo ona faamuamua e faaleleia ai taunuuga ma soifua manuia i le faiga faavae mo aoaoga i totonu o le atunu.

Sini Autu Muamua: Faamuamua tamaiti aoga – faamuamua tamaiti aoga ma aiga i aoaoga

- » E fesootai lelei le soifua manuia ma aoaoga.
- » E le tatau ona afaina tamaiti aoga ma aiga mai soo se amioga faamatau, faailogalanu ma uiga faasausili.
- » E tatau ona mataala i manatu o tamaiti aoga, aiga ma afioaga ma amanaiaina finagalo.

Sini Autu Lona Lua: Aveese noataga mai avanoa maua – e faigofie ona maua e tamaiti aoga uma avanoa sili ona lelei mo aoaoga atoa ai ma taunuuga

- » E tatau ona maua, ma faataunuu aoaoga, mo tagata uma. O noataga o loo punitia ai le auai o tamaiti aoga i totonu o aoga, e aofia ai noataga tau tupe ma le siosiomaga, ma o itu nei e tatau ona faaitiitia, e mafai ai e tamaiti aoga uma ona maua avanoa e sa'o ma talafeagai ma taunuuga o loo faamoemoe i ai.

Sini Autu Lona Tolu: Aoaoga ma taitaiga lelei ma le aoga – e iloga suiga lelei mai aoaoga e lelei ma aoga atoa ai ma taitaiga lelei mo tamaiti aoga ma a latou aiga

- » Tatou te moomia faiaoga eseese agavaa, maualuga le tomai ma e tinou e faatino faiga e mautinoa ai le maua e tamaiti aoga o suiga pito sili ona lelei.
- » E tatau ona atiae taitaiga lelei ma le aoga i vaega uma o le faiga faavae mo aoaoga e mafai ai ona taimua i suiga lelei, ma faamausaliina ai aoaoga lelei ma le aoga i aso uma.

Sini Autu Lona Fa: Lumanai o aoaoga ma galuega – ia talafeagai aoaoga ma le soifuaga o tagatanuu o Niu Sila i le taimi nei ma lo latou soifuaga atoa

- » E moomia e tamaiti aoga ona maua aoaoga e mafai ai ona latou gafatia suiga ma luitau i galuega i le lumanai. O isi itu taua o lea manatu o tulaga tau sitiseni, auala e maua ai galuega, ma aoaoga i le soifuaga atoa.
- » O le uiga o lea manatu mo tamaiti aoga Māori, ia latou maua agavaa e auai ai i totonu o te ao Māori, atunu ma fafo atu.

Sini Autu Lona Lima: Aoaoga maoae le lelei i le lalolagi i totonu o aoga faitele – e faatuatuaina ma faatumauina aoaoga lelei i totonu o Niu Sila

- » E tatau ona i ai i se tulaga maualuga le faatuatuaina o faiga faavae mo aoaoga, e gafatia suiga ma e mafai ona faatino tulaga o loo moomia e tamaiti aoga uma atoa ai ma suiga o loo tulai mai. E tatau ona amanaiaina aoaoga ma suesuega mai Niu Sila i faiga faavaomalo, ma o loo faatauaina ai faiga faapaaga a Māori ma le Crown.
- » E tatau foi i le faiga faavae mo aoaoga ona atagia mai ai tino rangatiranga – o se faiga e mafai ai e Māori ona finau mo i latou lava mo aoaoga ma ia faaaauupegaina e taimua e saili fofo mo Māori.

O le Statement of National Education and Learning Priorities:

O loo manino mai e le NELP tulaga o loo faamuamua e le Malo mo aoaoga i totonu o aoga amata ma aoga o loo faamalosia. E fesoasoani tulaga o loo faamuamua i le NELP ia i latou o loo puleaina aoga, auaunaga tau aoga amata ma ngā kōhangā reo, ma o loo faaautu galuega i aso uma i mea e sili atu ona aoga tele mo tamaiti aoga.

O i latou o loo tauaveina tofiga tau pulega i nofoaga tau aoaoga, e aofia ai sui o komiti faatonu ma auaunaga tutotonu ua laiseneina mo aoga amata, e tatau ona latou faataunuina le faatinoga o le NELP.

Faamolemole manatua: E le o faatulagaina tulaga o loo faamuamua ua faatuina i lona taua poo se tulaga o loo fiafia i ai.

O le Statement of National Education and Learning Priorities – tulaga o loo faamuamua ua faatuina:

E tatau i auaunaga tau aoga amata ma aoga ona faatino tulaga nei e ausia ai sini autu taitasi mo aoaoga:

Sini Autu Muamua: Faamuamua tamaiti aoga – faamuamua tamaiti aoga ma a latou aiga i aoaoga

- | | |
|---|---|
| 1 | la mautinoa o loo maua e tamaiti aoga uma faalogona saogalemu, faatauaina ma le amanaaina o i latou, e aofia ai o latou faasinomaga, gagana ma aganuu, ma manaoga o moomia i le aoaoina. |
| 2 | la aofia aiga o se paaga taua i le olaga aoaoaina o tamaiti aoga uma. |

Sini Autu Lona Lua: Aveese noataga mai avanoa maua – e faigofie ona maua e tamaiti aoga uma avanoa sili ona lelei mo aoaoga atoa ai ma taunuuga

- | | |
|---|--|
| 3 | la mauluga le alafua o faamoemoe i ai mo tamaiti aoga uma ma tafiesea faiga e punitia ai le maua o avanoa e aoao ai soo se mataupu aoaoina. |
| 4 | la lagolago le maua o suiga lelei e agai ai i le isi laasaga, ma totonu ma fafo atu o nofoaga tau aoaoga. |
| 5 | Faamautinoa e le o avea noataga tau tupe ma isi noataga e punitia ai tamaiti aoga ma a latou aiga e saili avanoa sa'o ma talafeagai mo le aoaoina, aoaoga ma auai ai i auaunaga mo aoga amata poo aoga. |

Sini Autu Lona Tolu: Aoaoga ma taitaiga lelei ma le aoga – e iloga suiga lelei mai aoaoga e lelei ma aoga atoa ai ma taitaiga lelei mo tamaiti aoga ma a latou aiga

- | | |
|---|---|
| 6 | Atiae tagata faigaluega e faamalosia ai agavaa e aoao ma avea ai ma taitai ma faamautuina le malosi o lea tomai i totonu o faiga faavae mo aoaoga. |
| 7 | Faaaofia le te reo Māori ma tikanga Māori i totonu o nofoaga mo aoaoga i aso uma. |

Sini Autu Lona Fa: Lumanai o aoaoga ma galuega – ia talafeagai aoaoga ma le soifuaga o tagatanuu o Niu Sila i le taimi nei ma lo latou soifuaga atoa

- | | |
|---|---|
| 8 | Faamautinoa o loo aoaoina tamaiti aoga ma le malamalama i le faasinomaga o Niu Sila ma talaaga o lo tatou atunu. |
|---|---|

Sini Autu Lona Lima: Aoaoga maoae le lelei i le lalolagi i totonu o aoga faiatele – E faatuatuina ma faatumauina aoaoga lelei i totonu o Niu Sila

- | | |
|---|---|
| 9 | Atiae fesootaiga ma iwi ma afioaga ina ia talitutusa ma faanaunautaiga ma taiala faataatia ua faavaeina. |
|---|---|



O le Tertiary Education Strategy:

O loo folasia i le TES taiala faataatia mamao a le Malo ma tulaga o loo faamuamua mo faiga faavae i totonu o aoga maualuluga. E tatau i le Tertiary Education Commission ona faataunu le TES ma e tatau foi i le New Zealand Qualifications Authority ona faataua lea itu. E tatau i Tertiary Education Organisations ona faailoa faiga e mafai ai ona latou ausia tulaga o loo faamuamua o loo folasia i totonu o le TES ia latou fuafuaga mo galuega tau atiae.

O tulaga o loo faamuamua ua faatuina nei e 13 o loo folasia i totonu o le TES, o loo faamoemoe e faamautinoai le maua e tamaiti aoga uma, aemaise i tamaiti aoga Māori ma Pasifika taunuuga sa'o ma le talafeagai, faapea foi ia i latou o loo moomia le fesoasoani i taumafaiga, ma e le o atoatoa le fesoasoani o loo latou mauaina mai aoga maualuluga. O loo faamoemoe tulaga o loo faamuamua e faamautinoai o loo gafatia e auaunaga tau aoaoga fesuiaiga o loo tulai mai ma e mafai ona atiae alafua e manino ma aoga mo le maua ai o galuega ma avanoa mo aoaoga i le soifuaga atoa.

Faamolemole manatua: E le o faatulagaina tulaga o loo faamuamua ua faatuina i lona taua poo se tulaga o loo fiafia i ai.

O le Tertiary Education Strategy – tulaga o loo faamuamua ua faatuina:

E tatau i aoga maualuluga ona faatino vaega nei, e ausia ai sini autu taitasi mo aoaoga:

Sini Autu Muamua: Faamuamua tamaiti aoga – faamuamua tamaiti aoga ma a latou aiga i aoaoga

1 Faamautinoai le saogalemu o le siosiomaga i totonu o aoga maualuluga, ma o loo tauaofia ai tagata uma toe gafatia ona tali atu i manaoga.

Sini Autu Lona Lua: Aveese nataga mai avanoa maua – e faigofie ona maua e tamaiti aoga uma avanoa sili ona lelei mo aoaoga atoa ai ma taunuuga

2 Malamalama ma gafatia ona tali atu i tulaga o moomia ma faanaunautaiga a tamaiti aoga.

3 Atiae alafua manino ma le aoga e uunaia ai tamaiti aoga e ausia mea o faanaunau i ai.

4 Atiae auala eseese mo aoaoga ma faatino faiga e mafai ai ona faatumauina aoaoga i le soifuaga.

Sini Autu Lona Tolu: Aoaoga ma taitaiga lelei ma le aoga – e iloga suiga lelei mai aoaoga e lelei ma aoga atoa ai ma taitaiga lelei mo tamaiti aoga ma a latou aiga

5 Atiae le aufaigaluega i auala e faamalosia ai faiga lelei ma ia talitutusa ma manaoga o tamaiti aoga, alamanuia, pule o galuega ma afioaga.

6 Tauaofia te reo Māori ma tikanga Māori i totonu o nofoaga mo aoaoga i aso uma.

7 Faataunu le faatinoga o aoaoga ma le aoaoina o faiga e tusa ai ma aganuu ma manaoga taitasi.

Sini Autu Lona Fa: Lumanai o aoaoga ma galuega – ia talafeagai aoaoga ma le soifuaga o tagatanuu o Niu Sila i le taimi nei ma lo latou soifuaga atoa

8 Ia matuā malosi le taulai o aoaoga ma le aoaoina ia talafeagai ma galuega.

9 Toe tomanatu i mea o loo tatou aoao atu ma aoaoina i suiga e ono tulai mai i totonu o galuega.

10 Faataunu le tuuina atu o fautuaga ma faamatalaga aoga e maua ai galuega.

11 Uunaia TEOs ma pule o galuega ia galulue soosoo tauau e faaleleia agavaa o tagata o loo faafaigaluega i le taimi nei.

Sini Autu Lona Lima: Aoaoga maoae le lelei i le lalolagi i totonu o aoga faitele – e faatuatuaina ma faatumauina aoaoga lelei i totonu o Niu Sila

12 Amanaia ma faataua le uigaese o la tatou faasinomaga aoao.

13 Faamalosia le taua o suesuega i le soifua manuia o Niu Sila.

Matou te fia iloa sou manatu

Sa talosagaina sou manatu e auala atu i le Education Conversation | Kōrero Mātauranga e tusa ai ma tulaga e tatau ona faamuamua i le faiga faavae mo aoaoga. Ua mafai ona tapena tulaga o loo ave i ai le faamuamua, mai manatu sa e faaalia, faatasi ai ma molimau faamaonia i tulaga o loo faagaioi ai faiga faavae mo aoaoga.

Matou te fia faamautinoa o loo sa'o le faaupuina o ou manatu ma atugaluga i tulaga ua ave i ai le faamuamua a le NELP ma le TES. Faamolemole ia manatua matou te le o faatalanoaina le vaiga taulai poo sini autu mo aoaoga.

Ua amatalia faatalanoaga mo le NELP ma le TES, ma e tapunia faatalanoaga mo le TES i le faaiuga o Oketopa, a o le faaiuga o Novema e tapunia ai le NELP. E mafai ona tuuina mai manatu e auala mai i suesuega i luga o le initaneti, talosaga tusitusia, fesootaiga lautele, ma faafesagaiga patino ma tagata.

Links i suesuega

E maua le suesuega i luga o le initaneti mo le NELP ma le TES iinei:

<https://conversation.education.govt.nz/conversations/shaping-a-stronger-education-system-for-all/>

Faamatlagaa auiliili i talosaga tusitusia

Matou te taliaina foi talosaga tusitusia i tulaga o loo faamuamua, ma e mafai ona imeli mai i le:

NELP.TES@education.govt.nz

Moomia nisi faamatlagaa?

Links i faamatlagaa faaopoopo e uiga i le NELP

E maua se otootoga o molimau faamaonia sa faaaoga e tapena ai le ata faataitai i tulaga o loo faamuamua i le NELP iinei:

<https://conversation.education.govt.nz/conversations/national-education-and-learning-priorities/evidence-briefs/>

Tausi fanau faapei o ni auro, o loo maua foi iinei le otootoga o feutagaiga patino i tamaiti ma tupulaga sa faia i le 2018:

<https://conversation.education.govt.nz/conversations/national-education-and-learning-priorities/what-you-told-us/>

Links i faamatlagaa faaopoopo e uiga i le TES

Siaki le upega tafailagi iinei mo lipoti i faatalatalanoaga, o faamaumauga mai feutagaiga, ma otootoga i molimau faamaonia: <https://conversation.education.govt.nz/conversations/tertiary-education-strategy/>

Fesili?

Afai e i ai ni fesili faamolemole faafesootai le: NELP.TES@education.govt.nz



Kōrero

Mātauranga

Me kōrero tātou

Have your say about the future of education.

Join the conversation at conversation.education.govt.nz



#EdConvo

